

開縣志

流寓

蜀中得工部放翁山川生色矣後之人往往卽其居所遊而歌詠之吾開如小渠佛厓諸君子雖不敢與古人頡頏要亦近時士之錚錚者也固不妨借才於異地也已作流寓志第十八

沈 棣字小華華陽貢生工詞賦東川觀察使李憲宜引爲上客李來開辦賊棣帷幄運籌當差務倥偬之際爲邑均徭役邑人奉約多感其德

開縣志

卷十八

流寓

一

沈本義字惺齋浙江烏程縣增貢館孫補山節相家隨任入蜀文名藉甚歷主仁壽廣安鶴山芙蓉晉熙各書院講席所著有讀書約小宛山房紀遊草來開教授經生多所成就晚歸故里生徒不忍相違繪春江送別圖以志依依

張湜字小渠江蘇無錫縣監生仕至河南內黃令兩遊開江先後十年與羅珍沈瑋開詩社著有柏香竹映山房駢體文稿小渠偶吟草

胡階字青峰浙江烏程監生常遊雲貴楚蜀客開

久晚號苕溪散人著有苕溪散人詩草天下水陸  
路程指南採取極博

羅珍字佛厓威遠進士主講盛山書院有名士風  
從者百餘人與張湜沈瑋王名園爲詩友著有戲  
定教匪述聞四書臆解佛崖詩稿佛崖文集佛崖  
古文外集燈下舊聞瑤華摘錄刪餘贅語佛崖書  
札瘞稿大覺寺

陳德培湖南武陵縣廩生來開授讀館於邑之歇  
馬壩學問淵洽循循善誘從者先後百餘人造就  
甚衆其編脩陳堃舉人朱升三蕭炳然皆其弟子  
也